

- (2) Jednokratna novčana pomoć dodjeljivati će se na osnovu podnesenog zahtjeva i prema redoslijedu primljenih zahtjeva, a do utroška obezbjeđenih sredstava u Budžetu za tekuću godinu.

Član 7.

(Stupanje na snagu)

Ovaj Pravilnik stupa na snagu narednog dana od dana objavljivanja u "Službenim novinama Kantona Sarajevo".

Član 8.

(Prestanak važenja)

Danom stupanja na snagu ovog pravilnika prestaje da važi Pravilnik broj 02-02-2193/19 od 23.05.2019. godine.

Broj 02-02-4434/21
01. oktobra 2021. godine

Općinski načelnik
Nermin Muzur, s. r.

OPĆINA ILIJAŠ**Općinski načelnik**

Na osnovu člana 30. Odluke o izvršavanju budžeta općine Ilijaš za 2021. godinu ("Službene novine Kantona Sarajevo", br. 14/21), a u skladu sa odredbama člana 3. Budžeta općine Ilijaš za 2021. godinu ("Službene novine Kantona Sarajevo", br. 14/21 i 36/21), te člana 107. Statuta općine Ilijaš ("Službene novine Kantona Sarajevo", br. 20/09 - Prečišćeni tekst i 46/18), Općinski načelnik donosi

ODLUKU

**O ODOBRAVANJU UPOTREBE SREDSTAVA
BUDŽETSKE REZERVE IZ BUDŽETA OPĆINE ILIJAŠ
ZA 2021. GODINU**

Član 1.

Odobravaju se novčana sredstva u iznosu od 3.000,00 KM (trihiljade konvertibilnihmaraka) na ime jednokratne novčane pomoći za sanaciju štete nastale uslijed požara na objektu i opremi za preradu i obradu mlijeka u vlasništvu IPP "ADI" Ilijaš - vl. Bibić Admira nastanjenog u Kamenica bb Ilijaš.

Odobrena sredstva iz stava 1. uplatit će se u korist računa IPP ADI vl. Admir Bibić, br. 1413135320007398 otvorenog kod Bosna Bank International dd Sarajevo.

Član 2.

Sredstva iz člana 1. ove Odluke osigurana su Budžetom općine Ilijaš za 2021. godinu, a teretit će budžetsku poziciju "budžetska rezerva", a konačno knjiženje će se izvršiti na budžetsku poziciju "614241 - Transfer za posebne namjene - provođenje mjera zaštite i spašavanja".

Član 3.

Za realizaciju ove Odluke zadužuje se Služba za opću upravu, boračko invalidsku i socijalnu zaštitu i Služba privredu i finansije.

Član 4.

Ova odluka stupa na snagu danom donošenja, a objavit će se u "Službenim novinama Kantona Sarajevo".

Predlagač

Šef odsjeka

Mr. **Nedžad Masnopita**, s. r.

Broj 04/3-11-2077/21
28. septembra 2021. godine
Ilijaš

Općinski načelnik
Fazlić Akif, s. r.

OPĆINA NOVI GRAD**Općinsko vijeće**

Na osnovu članova 20. i 33. Statuta Općine Novi Grad Sarajevo ("Službene novine Kantona Sarajevo", broj 30/09 - Novi Prečišćeni tekst, 2/17) i člana 25. stav 7., člana 34. stav 1. i člana 39. stav 2. Zakona o prostornom uređenju Kantona Sarajevo ("Službene novine Kantona Sarajevo", broj 24/17, 1/18) Općinsko vijeće Novi Grad Sarajevo, na 7. sjednici održanoj 30.09.2021. godine, donijelo je

ODLUKU

**O PRISTUPANJU IZRADI IZMJENA I DOPUNA
REGULACIONOG PLANA "AHATOVIĆI"-
IZGRADNJA STAMBENOG OBJEKTA NA K.Č. 330/3
K.O. BOJNIK (PO SKRAĆENOM POSTUPKU)**

Vrsta Plana

Član 1.

Pristupa se izradi Izmjena i dopuna Regulacionog plana "Ahatovići" ("Službene novine Kantona Sarajevo", broj 10/14, 47/16) - Izgradnja stambenog objekta na k.č. 330/3 K.O. Bojnik, po skraćenom postupku (u daljem tekstu: Plan).

Granice područja za koje se izmjenja Plana radi

Član 2.

Obuhvat predstavlja parcela označena kao k.č. broj 330/3 K.O. Bojnik. Površina obuhvata iznosi P=926 m².

Osnov za izradu Plana

Član 3.

Izradi izmjena i dopuna Plana se pristupa na osnovu Regulacionog plana "Ahatovići" ("Službene novine Kantona Sarajevo", broj 10/14, 47/16), a na inicijativu investitora Medo Rađo.

Vremenski period za koji se Plan donosi

Član 4.

Plan se donosi za period do donošenja novog planskog dokumenta.

Smjernice za izradu Plana

Član 5.

Izmjena planskog dokumenta se vrši u cilju stvaranja planskih preduvjeta za izgradnju individualnog stambenog objekta, na vlasničkoj parceli k.č. broj 330/3 K.O. Bojnik. Uvidom u Regulacioni plan "Ahatovići" utvrđeno je da je predmetna parcela zadržana kao slobodna, neizgrađena površina sa jednim pomoćnim objektom.

Izmjena Plana na predmetnoj parceli se može razmatrati, uzimajući u obzir saobraćajni pristup sa lokalnog puta te ograničenja u prostoru a sve prema sljedećim urbanističko-tehničkim uslovima:

- U okviru predmetne vlasničke parcele (veličine cca P=926 m², označene kao k.č. broj 330/3 K.O. Bojnik) formirati novu građevinsku parcelu u cilju izgradnje individualnog stambenog objekta;
- U granicama građevinske linije planirati izgradnju objekta na način da isti ne može niti jednim svojim dijelom izaći izvan nje, uključujući i nadstrešnice, balkone i sl.,
- Planirati spratnost objekta S+P+Pt, što bi odgovaralo visini susjednih objekata prema važećem Planu;
- Veličina objekta treba biti u skladu sa prostornim mogućnostima i odnosom prema susjednim objektima uz uslov da ima adekvatan kolski pristup;
- Potrebno je zadržati postojeći kolsko-pješački pristup predmetnoj parceli, označen kao dio k.č. broj 327/1 K.O. Bojnik za koji je dobijena saglasnost vlasnika iste;
- U okviru vlasničke parcele planirati saobraćaj u mirovanju (1 parking mjesto na jednu stambenu jedinicu);
- Obezbijediti ažurnu geodetsku podlogu šireg područja sa ažurnim katastarskim stanjem prema projektnom zadatku urađenom od strane Zavoda za planiranje razvoja KS.;
- Planom je potrebno usaglasiti idejna rješenja saobraćajne i komunalne infrastrukture sa Regulacionim planom "Ahatovići".

Rokovi za pripremu i izradu Plana

Član 6.

Rokovi za pripremu i izradu Plana po fazama su:

- Odluka o pristupanju izradi Plana: septembar 2021.
- Ugovaranje: septembar 2021.

- Prijedlog Plana: 30 dana od objavljivanja u Službenim novinama: oktobar 2021. godine
- Javna tribina (upoznavanje javnosti): do 15. novembra 2021.
- Usvajanje Plana: decembar 2021.

Način osiguranja sredstava za izradu Plana

Član 7.

Sredstva za izradu Plana u iznosu od 5.500 KM obezbijedit će Općina Novi Grad putem investitora Medo Rado.

Nosilac pripreme Plana i Nosilac izrade Plana

Član 8.

Nosilac pripreme Plana je Načelnik Općine Novi Grad Sarajeva. Nosilac izrade Plana je Zavod za planiranje razvoja Kantona Sarajevo.

Donošenje Plana

Član 9.

Nosilac izrade Plana izradit će Prijedlog Plana i dostaviti ga Nosiocu pripreme Plana. Nosilac pripreme Plana utvrdit će Prijedlog Plana i podnijeti ga Općinskom vijeću Novi Grad na donošenje.

Ostale odredbe

Član 10.

Sastavni dio ove Odluke je grafički prilog sa ucrtanom granicom područja planiranja.

Član 11.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-18008/21
04. oktobra 2021. godine
Sarajevo

Predsjedavajući
Općinskog vijeća
Mirza Selimbegović, s. r.

